

Í 1. ml. 2. mgr. 9. gr. falli brott orðin „sbr. reglur um kirkjur og kirkjubyggingar samþykktar á kirkjuþingi 1994“.

Við 3. ml. 9. gr. bætast við orðin: eða greftrunarkirkjur.

Við 2. mgr. 9. gr. bætist nýr málslíður svohljóðandi: Þar sem hefð stendur til er heimilt að þær haldi kirkjunafni sínu.

25. gr.

Starfsreglur þessar, sem settar eru samkvæmt heimild í 59. gr. laga um stöðu, stjórn og starfshætti þjóðkirkjunnar nr. 78/1997, öðlast gildi 1. janúar 2001. Frá sama tíma falla brott reglur um kirkjur og kirkjubyggingar samþykktar á kirkjuþingi 1994.

Gjört í Reykjavík, 8. nóvember 2000.

Jón Helgason
forseti kirkjuþings.

Gunnar Sveinsson
þingskrifari.“

Starfsreglur þessar eru hér með kunngerðar almenningi.

Reykjavík, 8. nóvember 2000.

F. h. kirkjuráðs,

Karl Sigurbjörnsson biskup Íslands.

AUGLÝSING

um starfsreglur kirkjuþings um fræðslu fyrir leikmenn innan kirkjunnar.

„STARFSREGLUR

um fræðslu fyrir leikmenn innan kirkjunnar.

1. gr.

Á vegum þjóðkirkjunnar skal halda uppi fræðslustarfi fyrir leikmenn.

Fræðsla fyrir leikmenn samkvæmt starfsreglum þessum telst til fræðslu- og boðunarstarfs kirkjunnar.

2. gr.

Með fræðslustarfi kirkjunnar fyrir leikmenn skal

- gefa almenningi kost á fræðslu um trú, sið og kirkju
- veita starfsfólki og sóknamefndum þjóðkirkjunnar fræðslu um starfshætti kirkjunnar.

3. gr.

Til að sinna verkefnum samkvæmt 1. og 2. gr. skal starfrækja Leikmannaskóla kirkjunnar, sem heyrir undir kirkjuráð.

4. gr.

Kirkjuráð getur samið við ríki, sveitarfélög, Háskóla Íslands eða kirkjulega aðila um þjónustu er Leikmannaskólinn veiti eða þiggi frá þeim, gegn endurgjaldi.

5. gr.

Með yfirstjórn skólans fer þriggja manna stjórn, skipuð af kirkjuráði til fjögurra ára, frá og með 1. júlí árið eftir kjör til kirkjuráðs. Kirkjuráð skipar þrjá varamenn frá sama tíma. Kirkjuráð óskar eftir tilnefningum frá guðfræðideild Háskóla Íslands og leikmannaráði. Kirkjuráð velur formann og varaformann. Stjórnin ber ábyrgð á að skólinn sinni skyldum sínum og að skólinn haldi sig innan fjárheimilda hverju sinni.

6. gr.

Stjórnin gerir árlega starfs- og rekstraráætlun og leggur fyrir kirkjuráð til samþykktar fyrir lok septembermánaðar. Starfs- og rekstrarár skólans er almanaksárið. Stjórn og verkefnisstjóri skulu á hverju reikningsári semja ársreikning. Jafnframt skal samin skýrsla stjórnar fyrir liðið starfsár. Stjórn og verkefnisstjóri skulu undirrita ársreikninginn. Endurskoðaðir reikningar skulu lagðir fyrir kirkjuráð.

7. gr.

Stjórnin, í samráði við kirkjuráð, ræður verkefnisstjóra skólans og setur honum erindisbréf. Verkefnisstjóri annast daglega yfirstjórn skólans og ræður kennara í samráði við stjórn. Heimilt er að semja við annan aðila um stjórnunar- og rekstrarþjónustu við skólann svo sem um verkefnisstjórn, fjárhald og bókhald, rekstur húsnæðis, skrifstofu og upplýsingakerfis, annan almennan skrifstofurekstur og aðra sambærilega þætti.

8. gr.

Færa skal til bókar meginatriði þess sem fram fer á fundum stjórnar og ákvarðanir hennar. Fundargerðir skulu sendar kirkjuráði reglulega.

9. gr.

Leikmannaskólanum er heimilt að afla sértekna samkvæmt gjaldskrá er staðfest skal af kirkjuráði.

10. gr.

Starfsreglur þessar, sem settar eru með heimild í 59. gr. laga um stöðu, stjórn og starfs-hætti þjóðkirkjunnar nr. 78/1997, öðlast gildi 1. janúar árið 2001.

Ákvæði til bráðabirgða.

Kirkjuráð skal tilnefna stjórn skólans eins skjótt og kostur er eftir að reglur þessar hafa öðlast gildi. Starfstími þeirrar stjórnar er frá 1. febrúar árið 2001 til loka júnímánaðar 2003. Endurskoða skal starfsreglur þessar innan tveggja ára.

Gjört í Reykjavík, 8. nóvember 2000.

Jón Helgason
forseti kirkjuþings.

Gunnar Sveinsson
þingskrifari.“

Starfsreglur þessar eru hér með kunngerðar almenningi.

Reykjavík, 8. nóvember 2000.

F. h. kirkjuráðs,

Karl Sigurbjörnsson biskup Íslands.